

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
28.06.2022թ. կայացված ԱՖ923857 որոշումը բեկանելու և վարչական իրավախախտման
վերաբերյալ գործի վարույթը կարճելու մասին

<<17>> 08 2022թ. 7-13- 8580

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ
Ն.Սարգսյանս, վերանայելով Հայկ Քոսյանի ՄԴ/41587-22 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

Քաղաքացի Հայկ Քոսյանը(ծանուցման հասցե՝ ք.Երևան, Նոր Նորք վարչական շրջան, Նոր
Նորքի 8 զանգված, 9 շենք, 35 բնակարան) դիմումով իր անհամաձայնությունն է հայտնել
Ճանապարհային ոստիկանության վարչական իրավախախտման վերաբերյալ գործով
28.06.2022թ. կայացված ԱՖ923857 որոշմանը՝ խնդրելով անվավեր ճանաչել այն: Դիմումում
նշված հանգամանքների շուրջ պարզաբանումներ տալու նպատակով Հայկ Քոսյանը հրավիրվել է
Ճանապարհային ոստիկանության վարչական բողոքների քննության բաժին, սակայն չի
ներկայացել, ուստի Վարչական իրավախախտումների վերաբերյալ ՀՀ օրենսգրքի 267-րդ
հոդվածի 1-ին մասի համաձայն՝ գործը քննվել է վերջինիս բացակայությամբ:

Դիմումի քննարկման արդյունքում պարզվել է, որ վարչական ակտը ենթակա է բեկանման, քանի
որ Ճանապարհային ոստիկանության վարչական իրավախախտման վերաբերյալ գործով
28.06.2022թ. կայացված ԱՖ923857 որոշման հիմքում դրված տեսանյութը հնարավորություն չի
ընձեռնում հերքելու դիմումատուի պնդումը:

ՀՀ կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> 28.06.2007թ. թիվ 955-Ն որոշման 69-րդ կետի 1-ին ենթակետի համաձայն՝
բնակավայրերից դուրս երթևեկությունը թույլատրվում է՝ 90 կմ/ժ ոչ ավելի արագությամբ՝ թեթև
մարդատար ավտոմոբիլներով և 3,5 տ ոչ ավելի թույլատրելի առավելագույն զանգված ունեցող
բեռնատար ավտոմոբիլներով (110 կմ/ժ ոչ ավելի արագությամբ՝ ավտոմայրուղիներով):

Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ մասի
համաձայն՝ երթևեկության սահմանված արագությունը 11-30 կմ/ժ-ով գերազանցելը՝ առաջացնում
է տուգանքի նշանակում՝ նվազագույն աշխատավարձի քսանապատիկի չափով:

Ուսումնասիրությամբ պարզվել է, որ 28.06.2022թ. ժամը՝ 08:44-ի սահմաններում Երևան -
Գյումրի ավտոճանապարհի 29կմ ճանապարհահատվածում քաղաքացի Հայկ Քոսյանի վարած
<<NISSAN>> մակնիշի տարանցիկ՝ 4283JG հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃՊԾ 2-րդ սպայական գումարտակի սպայական դասակի
ավագ տեսուչներ, ոստիկանության մայորներ Ն.Թադևոսյանի և Ա.Զաքարյանի կողմից
ճանապարհային երթևեկության կանոնի խախտման համար, այն է՝ վարորդը բնակավայրից դուրս
երթևեկել է 119 կմ/ժ արագությամբ, որտեղ թույլատրելի առավելագույն արագությունը սահմանված
է 90 կմ/ժ, այսինքն հաշվանցելով 10կմ/ժ չափը, գերազանցել է սահմանված արագությունը 19 կմ/ժ-
ով: Վարորդի ներկայությամբ և մասնակցությամբ կազմվել է վարչական իրավախախտման
վերաբերյալ արձանագրություն և կայացվել վարչական իրավախախտման վերաբերյալ գործով
ԱՖ923857 որոշումը՝ վերջինիս 20000 ՀՀ դրամի չափով տուգանելու մասին:

Ոստիկանության ծառայողների կողմից ներկայացված իրավախախտումն ամրագրած
տեսանյութի մանրակրիտ ուսումնասիրության արդյունքում հնարավոր չէ միանշանակ պնդել, որ

իրավախախտումը կատարվել է <<NISSAN>> մակնիշի 4283JG տարանցիկ հաշվառման համարանիշի ավտոմոբիլի վարորդի կողմից:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի <<բ>> կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Նույն հոդվածի 2-րդ մասի համաձայն՝ եթե սույն հոդվածի 1-ին մասի <<ա>> կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) անձը կարող է իրազեկ դառնալ բացառապես տվյալ վարչական մարմնի միջոցով, ապա ապացուցման պարտականությունը դրվում է այդ վարչական մարմնի վրա:

Տվյալ դեպքում, առկա ապացույցների հիման վրա չի հիմնավորվում դիմումատուի կողմից իրավախախտում կատարելու փաստը, ուստի, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 28.06.2022թ. կայացված ԱՖ923857 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Հայկ Քոսյանին և Ճանապարհային ոստիկանության ՃՊԾ 2-րդ սպայական գումարտակ քննարկելու հետագայում նմանատիպ դեպքերը բացառելու համար:

Կատարող՝ Ա.Ալեքսանյան
Հեռ. 011544783



Ն. Սարգսյան